

**Uunga siunnersuut: Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. xx, xx. xxx 2017-imeersoq.**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Akissuteqaat**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Pingajussaaneerpeqarnera**

Sanaartornermut Ataatsimiititaliaq qutsavigeqqissavara inatsisissamut siunnersuutip suliarinerani sukumiisumik suliaqarmat. Qujassutigissavarput Naalakkersuisuni siunniussavut ataatsimiititaliamissaaq ilalerneqarmata.

Naalakkersuisut ataatsimut isigalugu inatsisip § 2-ata nutaamik oqaasertalernissaa taperserpaat.

Ajoraluartumilli § 2 imm. 3-mi oqaasertat allanngortinnerat ima kinguneqarsinnaavoq atuinissamut ammaassineq kissaatigineqartumit annerujussuannorsinnaalluni, tamannalu inatsisip suliarineqaaqqaarnerani siunertaanngilaq.

Inatsisartut siunnersuut taamatut isikkoqartillugu akuerissappassuk, inatsisip suliaq ataaseq inatsisitigut tunngavissiinnassanngilaa. TELE-POST-imilli unammillersinnaaneq suliaqarfimmi maannamut suli periarfissaanngitsumi tunngavississallugu.

Unammillersinnaanerup taamaattup kingunerissavaattaaq Inatsisartut UPA2016/119-imi nalunaarasuartaateqarnerup iluani nutaanik ammaassinissamik pilersaaruteqarnermik unitsitsinermik aalajangersaanerannut akerliusumik aalajangiinerussammat.

Allannguut annertuumik kinguneqartussaammat kingunissai misissorluagassaapput. Inatsisiliornerup ingerlareersup taama kingusitsigisukkut allannguinnissamik siunnersuutip qanoq annertutigisumik kinguneqarsinnaanera Naalakkersuisut nalileruminaatsippaat. Taamaattumik Naalakkersuisut siunnersuutigissavaat ataatsimiititaliap siunnersuutaani § 2 imm. 3, normu 3 peerneqassasoq.

Taamatut allannguuteqartitsinissaaq aamma § 36-mi aalajangersakkamut aappassaanneerinninnermi allannguutissamut siunnersuut ilanngullugu Naalakkersuisut sinnerlugit inassutigissavara inatsisissamut siunnersuut akuersaarneqassasoq.